

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 1251 del 12/05/2026

L termin per portèr dant la perferides l é ai 9 de jugn

Varianta Ciampedel-Cianacei, l é stat publicà la garejèda per la projetazion

[Ladino] L'Agènzia provinzièla per i apalc e i contrac, do l'aer manà per la publicazion su la Gazeta Ofizièla de la Union Europeèna, l'à publicà su la piataforma Contracta (ai 23 de oril del 2026) l'avis de garejèda telematica, da dèr su tras prozedura orida sora l livel comunitèr col criterie che perveit de dèr su la encèria a chi che porta dant la perferida economica con maor vantaje economich, per dèr su i servijes tecnicos de enjegneria e architettura per: "Servije de enjegneria e architettura per l projet de fatibilità tecnich-economich (PFTE), per l projet esecutif (PE) e per l coordinament de la segurezza endèna la projetazion (CSP: meter ju la pruma indicazioni e e prescrizioni estra che l pian de la segurezza e de coordinament) per la realizazion de la varianta che à inom "Opera n. S-1021: Varianta Ciampedel Cianacei – UF1 Ciampedel e Cianacei". L termin per portèr dant la perferides l é ai 9 de jugn del 2026 da les 12:00. La suma aldò de la basa de garejèda, al net de la operazion, di agravies previdenzièi e de la SVE l é de € 5.880.997,04.

"L é n passaje dassen emportant- sotrissea l president Fugatti-per la realizazion de n lurier de gran valuta per miorèr la viabilità del teritorie te n raion de gran prijie. La publicazion de la garejèda l é la conferma che sion do a se dèr ju acioche n projet de gran valor e tant spetà da la comunanza de Fascia l dovente concret".

"Son stolz de veder che l é stat fat chest nef vèrech inant per la realizazion de na opera strategica per Fascia e spetàda da passa 30 egn", à dit l assessor regionèl a la mendranzes linguistiche Luca Guglielmi.

Per la realizazion de l'opera, che la fèsc pèrt di intervenc strategics programé da l'Aministrazion, i documenc de programazion perveit na suma de finanziament de presciapèch 142 milioni de euro. L percors en dut pervedù per la neva viabilità (UF1) l é de presciapèch 3,2 chilometri, de chi che 2,8 te n tunel.

Per meter a jir i lurieres, vegn pervedù che la consegna de duc i documenc del projet de fatibilità tecnica e economica (PFTE) e de la pruma indicazioni per meter ju l pian de segurezza e coordinament la vegne fata dant da 167 dis dal scomenz de la prestazion. La consegna de duc i documenc del projet esecutif e del pian de segurezza e coordinament ge vel che la vegne fata dant da 104 dis do da la comunicazion de scomenz de la prestazion de referiment do aer tout su, tel ambit de la Conferenza di servijes, duc i pareres pervedui sul PFTE.

RUP – l Comissarie straordenèr de l'opera S-1021- Varianta Ciampedel Cianacei – enj. Bruno Lorengo.

Traduzion di Servijes Linguistics e Culturèi del Comun general de Fascia

(cdt)